

裴文達公詩集

裴文達公詩集卷之

戊寅春帖子

歲歲春光好宜春

寶帖題今年春更遠直度析支西

鳩鵲初晴曉日高玉關歸將卸征袍

大清盛事超前牒獻

壽新添度索桃

火州壤則東南畝蒲海文同月好錢二萬里餘知正朔

春來結束喜朝

天

恭和

御製固爾扎廟火用唐韓愈陸渾山火和皇甫湜韻竝  
效其體元韻

伊犁河水流渾渾遶哉濶矣難窮源繫誰踞此事并吞  
明駝大馬乘高軒削牛屠羊日炙燔有元僕隸遠莫原  
夜郎侈欲驕厚坤黃沙漠漠不可垠千山翠犂爲藩垣  
行無次舍居無門西視夕月東朝曦趨足捷步輕於猿  
種人戢戢頭如鼉彎弓擬射雲中鵠格鬥猛虎工狐奔  
噶爾丹乃僭自尊爰棟爰宇祇樹園四什墨圖徒衆繁  
犯我屬國邊塵喧二子相倚簾與垣

謂大小敦  
多布策楞豈期再

世來降旛部落饑散衣無禪雙手反縛尻其臀勢面接  
踵投我轅我師旣入垂左鞬惟我置吏馳朱轎廟前矗  
竊颺風帟準夷忽諸祀絕幡何來蟻聚兼蜂屯法筵欹  
側傾香盆熬茶酬酒餘空罇吁嗟逆豎罪可言阿睦撒  
納性覆翻迷惑向背成偏反搖搖睽睽眩兩暖其言浮  
游靡定根其人誰氏之子孫如衣無緣履不跟輕負大  
信辜

天恩神明殛之喪厥元走投大宛孤無援干

上帝怒重典論祝融承

命下九閭貽禍蘭若無畱痕警動亂魄褫游魂新鬼哭訴

故鬼冤金容繪像那復存我師再到迎壺飡男爲謀匹  
女爲婚坐令安輯貽後昆

穹碑深刻龜趺蹲

新詩又覩高凌鸞一洗魚海銷愁怨南溟有鵬北有鯤  
版圖所極環崑崙荒烟毒霧何由昏我師拯溺兼救焚  
黃帽讚誦空爾煩尙亦類人心試捫

恭和

御製番劒行元韻

陸遞置驛水置塘函封燄燄飛星芒孤雛寡鵠遠稽首  
寶劒入貢來遐方其詞酸楚聽難旣伊涼絕調愁人腸

慕南王庭已廢絕昔者枉自矜豪強

國恩寬大弗盡殺感極涕下成行行表稱此劍是神物  
用非其人不取當伊祖當時負膽勇佩此志意殊非常  
流雲掣電精彩迸淬鋒勵鏘鏘作詳以之雄視諸部落  
擊刺剗斷尤所長一朝身殞家族破此劍不與人俱亡  
英英出匣吐秋水侍臣驚覩環

紫闥有如奇才侍

明主乘時利見寧久藏乘時利見寧久藏  
未央

恭和

御製秋日奉

皇太后幸口外行圍啓暉之作元韻

金根行處萬人歡

聖孝時時視燠寒歲奉秋巡成令典計程十日抵興安  
近水遙村次第逢築場時候不妨農凌晨更下蠲租  
詔沛澤年年雨露濃

木蘭原是古要荒叅獸圖禽

國典詳十二羽林

親講肄我

朝兵法繼軒皇

恭和

御製懷柔縣元韻

唐室舊圖興諸蕃此結廬時清邊氣靜邑小歲功舒帳  
外羅會長城隅集義渠因之思遠略西徼正猷予

恭和

御製遙亭行宮對雨三首元韻

行殿蕭蕭雨遙亭淦淦秋虹橋欣早度繡隴驗豐收舊  
鎮連烽廢新泉細水流洗兵真有兆露布達邊郵

豫遊欣可誦供頓了無煩金鐙聞歌唱氍毹接笑言雲  
陰秋稍重天氣晚仍暄北口行行近明朝出塞門



一一橫青嶺迢迢接翠烟俯看千帳濕坐待萬鎗然

廟算騰飛檄

奎章下彩箋

小臣

慙駑馬驅策媿長鞭

恭和

御製出古北口詠古元韻

秋風鼓蓬勃隨

輦出雄關古戍荒餘壘長城峻倚山蜿蜒邊日外  
塞雲間每念居人逸深維作者艱乍欣田事畢尙佇羽  
書還到處勤

清問何嘗馬上閒

恭和

御製至避暑山莊卽事元韻

山莊到處秋如畫勝日來時境是仙壯士扈行

親校射名王入覲歲開筵謀深帷幄皆長算

吟至禽魚有夙緣此地只如房闥內年年

清蹕與周旋

恭和

御製晚荷元韻

尋常六月見芬芳塞上西風尙弄香姑射神人雲作態  
水晶宮殿玉爲裝開當良夜偏宜月畱到清秋不厭霜

舉似東籬太枯寂評量花事此應長

恭和

御製熱河啓蹕之作元韻

小駐還當

啓蹕時瞳瞳初日照通達人言白草黃沙地身到青山  
綠水涯八月田功觀晚穫三秋花事賞芳蕤塞垣未覺  
西風冷閨歲應知節稍遲

恭和

御製山店元韻

山家草草業還成生計居然仗力耕小市不移如郭杜

清秋入畫儼關荆磯邊潑潑魚羣戲雲外迢迢雁遠征  
法駕至時童叟樂與歌堪聽驗民情

恭和

御製朝嵐元韻

偉哉造化多神奇赤縣黃圖誠壯矣秋原空濶光景生  
非霧非烟道旁起縠紋細縐巧何因練影橫拖幻如此  
不從塞上獲大觀兀坐安能究茲理問誰主宰誰網維  
山澤氣通良有以豎儒寸管輒窺天所見那踰跬步裏

恭和

御製都爾伯特台吉伯什阿噶什來覲封爲親王詩以

紀事元韻

相將弟與兄易服襲冠纓頡利降幡入樓闌誓表誠廣  
場聯拜舞全部羨光榮

一統大無外卑哉白馬盟

恭和

御製入崖口元韻

石壁攢青自結陸天然甌脫壯黃輿卽看雲氣能爲海  
應有仙人此作閭塞馬千羣調習久降王萬里到來初  
森森袴褶聯行入中外寧分汝與予

恭和

御製雨獵元韻

長林豐草何遼哉  
平時獵騎不敢來  
奔狐擾鹿叢虎跡  
館熊窟兔驕雉媒

大獮乘秋行至止  
鵝鵲魚麗安可擬  
左縈右拂射疊雙  
毛驚角駭圍中起  
挽水天河眞兆喜  
雨脚垂垂近堪指  
弦鳴彌覺點聲麤  
弓勁不愁膠力弛  
須知師律寓行圍  
號令如山今見此

恭和

御製九月朔日元韻

節氣近重陽  
秋懷得孤迥  
千乘萬騎中  
但覺空山靜  
下

馬有餘閒徘徊惜清景連幕晝陰陰  
翛然發深省何以答涓埃素餐心獨耿

恭和

御製霜元韻

千山秋霽後一片草黃時  
警鶴幾先覺啼雞候最知  
宿雲初散綺凍雨不飛絲

幄殿遲遲曉封章

手正披

恭和

御製行園卽事元韻

仗外圍嚴斷去來萬蹄蹴踏不生埃黃衫煜煜文昌將  
翠羽翹翹武庫材耳後鴟鳴飛箭過懷中月滿引弓開  
詞臣屬目

旌門下欵段追隨揖馬枚

恭和

御製九日侍

皇太后宴竝賜內外王公諸臣食卽席得句元韻

幔城秋淨曉光澄列席分棚序不陵紅樹開屏裁蜀纈  
碧天如水卷吳綾銀盤翠釜當

軒出紫鬪黃鬚拜手承一笑



慈顏知有喜侍臣簪筆記吾曾

恭和

御製宴土爾扈特使臣元韻

流沙萬里三义路  
楷矢西來入貢賒  
塞上雙韃從射鹿  
帳前九拜坐

頒茶枯榮驗草行  
經歲南北同天到  
卽家豈爲招徠勤  
遠略

聖人安邇不忘遐

恭和

御製山月元韻

金飈染霜林，紺樹凌青岑。寶輪騰上，夜色良已深。草

根萬籟闕，有聽不在音。朏魄自盈縮，光華同昔今。森森照鬚髮，皎皎臨衣襟。笑彼牖下老，百感徒駸駸。寧知塞山上，豁達披秋心。

恭和

御製雪元韻

松本後凋，偏落葉柳。應早瘁，卻垂絲。塞垣風物從來別，踏雪看時信有斯。

似嫌黯淡三秋迴，故使繽紛六出開。低疊瑤田高玉岫，大光明裏

翠華來

萬樹非春花的的四山不夜月娟娟書生局促眼光隘  
獲此奇觀大是緣

聖駕南苑大閱恭紀四首

閭闔晨開六轡閑層霄星拱太微間光生彩仗排成錦  
壁立天營望若山赤羽分旗森虎衛黃金擐甲覲

龍顏閣門昨日傳

溫旨犒賜頻仍次第頒

晾鷹臺蓋擁千官黃屋

親臨駐馬看銳走雷霆聲震疊捷馳風雨勢瀰漫六師

奮武軍容整萬里銷烽海宇寬天下太平無一事  
至尊猶念守成難

已占來歲隴頭春瑞雪平鋪大地勻候應一陽稽月令  
禮遵九伐舉時巡兵農交重垂邦憲文武兼資識  
聖人信是居安常有備獨先兢業勸臣鄰

高原四望喜豐年滿路歡聲振旅還億姓有心皆向日  
一人每事必承

天輝煌

福德懸金鏡煥爛

宸章泐寶牋此際

回鑾歌飲至侍臣同進九如篇

裴文達公詩集卷之三終

裴文達公詩集卷之四

恭和

御製允南省諸臣之請恭奉

皇太后再舉時巡詩以述意元韻

東西南朔總吾民況是虞書歲有巡

澤以涵濡起枯槁人從安樂憶艱辛衢歌巷舞重迎

輦越水吳山舊作鄰今日歡心聯萬國

鸞旂行處未爲頻

恭和

御製將之盤山駐蹕湯泉行宮作元韻

木蘭廻

蹕矢還巖

惠遠頒恩典再叨勝境待臨三輔近初程先指一峰豪  
馬從西極紛來貢人企中原不憚勞載路歡聲歌

盛事嵐光次第引

仙臺

恭和

御製自西峪取路登田盤至雙峰寺小憩元韻

地湧水精域金碧改前廢

宸遊澗草如璽境巖花記十月寒尚輕迤邐愜幽憩泉

清流不停石瘦紋各異偶諸仁智心山水儼位置言從  
西峪來愛此雙峰翠松枝似迎

鑾往往亞行轡

恭和

御製登定光塔作歌元韻

憑虛俯視千疊山高標突聳蒼穹間

至人襟抱納宇宙極覽絕域無峰巒毒龍身已戴鉢臥  
怖鴿翼敢巡簷攀烟中九點在咫尺下土舌橋何能言  
冥搜果覺佛光定仰矚益見天空閒指輪顯示上方相  
寒翠靜豁眞人顏智珠普照合高下慧鏡遠攝無偏全



鴻濛一氣接呼吸

帝座本在諸天前

恭和

御製駐蹕靜寄山莊元韻

青山一帶繚而紆中有仙靈護

帝居霜點高林金匱匝雲移列岫玉芙蓉剛逢朔雁來  
賓日又是西人入覲餘

行蹕暫停清晝永階前遲影度徐徐

恭和

御製得概軒元韻

林光不受暝鵲語喜迎陽一榻倚空翠諸峰皆老蒼烟霞疑谷口圖畫是柴桑勝概於茲得

宸編可細詳

恭和

御製遊古中盤作元韻

佛子靈踪隱者園兩峰環處翠開門井泉甘美山川潤草木豐茸氣候暄林鹿下時能狎擾山禽馴後不飛翻  
豫遊合動

天顏喜韓愈文中舊跡存

恭和

御製貯清書屋元韻

一點塵難到清光此最多林亭幽自引巖壑翠相摩仙  
露明珠似松風水月過冰壺貯蟾影試較定如何

恭和

御製引勝軒元韻

磴道青盤盤一軒具諸勝山環面面奇曉暮看靡定佛  
光吐寶珠香界發明鏡寧誇山陰間廻眸怯遮映

恭和

御製右部哈薩克及塔什罕城回人布魯特部首領胥  
來覲謁恰至山莊曲宴示恩點筆成什元韻

先後偕來拜

寵嘉曩時深悔阻荒遐恭陪臣列遑言客懽捐

天朝便是家折矢回中心早服擎杯額上手頻加夜郎  
白大何爲者到此嗔他向背差

異域今茲悉主臣窮邊未隔一由旬不煩譯史言皆達  
初識

天顏意已申別館露濃花傍砌

上林枝妥鳥依人畏

威懷

德交榮處羣動能知

化育仁

恭和

御製賜哈薩克布魯特等宴卽席得句元韻

崑崙極望貢途開  
史冊安能有是哉  
占斗遠從天外至  
望雲齊向

日邊來  
班隨拜跪儀初識

恩襲冠裳座許陪  
豁達仰聆

天語近

御前親賜大官醕

恭和

御製仲冬南苑大閱紀事元韻

盛典重申因示武軍容原共羽干論仗前回鵠聯臣僕  
徼外花門挈弟昆虎衛龍驤山岳立雲揚風起海濤喧  
威行益慙歸誠志柔遠寧惟照姬恩

應

制南苑賜哈薩克布魯特塔什罕回人等觀烟火鐙詞  
上苑預探元夕例廣場重

賜外臣陪扶輿湧出光明藏特地憐渠昧谷來

鬱鬱紛紛燦寶華人來喜泛日邊槎投明棄暗真如此  
競仰

高天五色霞

陸海分明駕彩虹赤城標建起長空有人慙愧回中夜  
燭火星星不敢紅

宛轉魚龍幻更奇神機約略見於斯金虵百道雷霆奮  
彷彿陰山破陣時

絡索珠簾跪地新中間寶宇欲頒春萬鐙明處難相擬  
小似盤盂大似輪

不夜城開布地金花生火樹儼成林天光一燦羣陰伏  
碧海人傾萬里心

諸姑行行篆作牌不殊千羽舞

堯階遠人目眩心全折坐似觀天井底蛙

城南咫尺絳雲端六十餘年又大觀海戶白頭猶記憶

上元時節跪迎

鑾康熙初年每上元節於南苑放烟火許士女縱觀海戶猶有言之者

己卯春帖子

彩勝呈新歲華鐙迓上元春光來次第先爲祝

慈萱

年年省歲軫

皇情大有忻書百穀成盛事更應垂史冊玉門關外盡

春耕



七日和風正轉韶七旬來格應崇朝捷聲恰共春聲至  
喜氣榮光燭

絳霄

恭和

御製元旦試筆元韻

天門日出大雲駢氣象朝來有萬千星埽機槍時叶泰  
風迎長養迎符乾仗前禮舉朝正肅闔外威行振旅闕  
異域抒忠非質子拜章泥首寸心虔

喜鵲迎陽稱意鳴綵旂華蠹兩行明寒辭苑樹芳條動  
暖入鑪烟細霽生七德舞陳昭震疊兩階樂奏象清平

遙知蔥嶺瑤池外  
鏡吹聲連擊壤聲

恭和

御製人日立春元韻

綵勝生春迓捷旗

法宮

幾暇節宣宜釀斟元化融爲墨秀擷芳蕤妙入詞句裏  
光風先叶律筆端甘雨欲飛絲玉關更有陽和度振旅  
聲來露版馳

恭和

御製填倉日命哈薩克人觀鎧火元韻

東風如客赴歸程次第春生不夜城  
火樹星橋看欲遍近

光又見遠人情

華纓翠羽拜

恩多不數陰山拔汗那何物彈丸甘化外難逃

天網一幺麼

山莊嘉宴歡如昨海子良霄景尙新復此

西園鐙火裏聯翩異域遠來人

大羅天上啓重宵萬點星毬樺燭燒共說填倉添故事

詩歌飽德記今朝

恭和

御製御園賜宴哈薩克蘇爾統俄羅斯等卽席得句元  
韻

雪霽

西園暖欲蒸連宵嘉宴喜相仍飽看月地千花出又聽  
春臺萬舞騰  
輔賜遍擎新歲酒火傳不斷上元鐙遠臣  
敬識陪臣禮翹首

龍光意凜兢

寧誇漢代喻叩駝不數唐家築受降一一寒禽依茂樹  
源源新水注長江千夫廣帳雲籠席百尺危梯鳥度撞

解頌

中朝文物盛誓心羣奉

聖人邦

恭和

御製射八韻

紫闥畫接引材良次第明將姓字敷仗下侍儀聯遠部  
階前稽首覲

天王五層旋見高懸的百步寧須別選場近凜

神威臨咫尺羣欽

聖巧異尋常功歸審固斯惟豫道在從容用不忙直竝

軍行論整暇儼同朝典著唐皇遐方懼伏驚初覩幾輩  
慚惶謝弗覆二箭天山何足道海西萬里悉吾疆

恭和

御製重華宮曲宴御前藩王大臣侍衛及內廷翰苑諸  
臣卽席得句元韻

重開

嘉宴武成年人在華鐙綺樹邊東鰈西鷁同舞蹈周文  
殷質入

陶埏魚龍駭目階前戲珠玉揮毫

座上篇獨有小臣材駑下詩成每白媿先鞭

恭慶

皇上五旬萬壽詩

謹依上下平韻三十首

翹首仰

蒼穹

天人一氣通語詳謨典上事著古今同惟

聖邀

天鑒惟

天眷

聖躬至誠相感處此理本昭融

皓月金風麗清秋玉露濃時和登萬寶歲美慶三農大

地祥光滿敷天樂事重人人欣有喜祝頌效華封

小臣  
樗櫟賤舊跡在滄江釋褐趨

丹陛承

恩近瑱窗鑪香依冉冉壺漏聽撻撻

恭已嚮元化金甌奠萬邦

聖主龍飛候華夷奉

指麾

皇心殷繼序庶政廣疇咨稼穡三時告封章

乙夜披仰維

兢業意永永太平基



九重躬孺慕色笑奉

慈闈鸞鼎親調膳

萱庭數問衣真稱天下養此樂古來稀萬國歡心合遲遲  
愛日暉

聖祖含飴日

璇宮毓德初祇今追

舊典屢自檢

遺書

武烈文謨遠

深仁厚澤餘討源

心印在每到意如如

歲歲青旂出

園壇典禮殊

齋宮三日戒

步輦百人趨肅若

精誠注欽哉

帝命敷事

天惟以實一德有同符

農事

關心切年時播種齊

袞衣親執耒繡野儼分畦久識

行惟健同瞻

敬日躋煌煌

耕籍禮

嘉惠遍羣黎

雲當龍見後祀事重燔柴問夜求民隱占時繫

睿懷陰陽資佐佑節序待安排七政如環轉

璿圖握泰階

文華臨祕殿每歲

講筵開鴛鴦行行列衣冠奕奕來微言聞細剖疑義仰

親裁珥筆依東序

龍光逮不材

十行

丹詔下

聖政首施仁事出千秋僅

恩覃六宇新豐年租竝免僻壤樂維均  
戶戶香花遍同迎浩蕩春

瀛洲亭畔路拭目觀

龍文地果魁三象人眞傍五雲

鑾輿蒙暫駐嘉話邁前聞猶記承

恩日芳筵拜

賜勤

日下掄材地天邊籲俊門

四時畱訓勉千聖契淵源夾道傳

清蹕褰幃覲

至尊諸生知自愛誇示到兒孫

勤政勞

宵旰時時廛治安賢常求狀陋言不棄卑官記事螭頭

筆糾儀柱下冠

御門垂令典從未間寒暄

金川喚小醜恃險據桃關

詔出收遺孽

威行霽百蠻盡依三尺法不隔萬重山從此蠶叢外光  
天化日閒

巡狩遵虞典諸侯述職前入疆先考績觀稼喜登年風  
俗嘉淳樸山川發秀妍黃童兼白叟各各慶瞻  
天

魯國宮牆在

鑾車路不遙肆筵陳俎豆九拜設庭燎

學統符前

聖榮光燭上霄人知

師道肅萬古此爲昭

巖巖瞻象緯泰岱俯東郊星斗諸天近乾坤一氣包  
宸襟欣豁達往牒笑誼叟檢玉泥金事于今蹟久消  
東南多下濕澤國水滔滔不惜金錢費寧辭畚鍤勞普  
教登衽席一爲息波濤轉歉爲豐地年年

厚賜

黃流成九曲人道接天河頻見宣防築仍聞瓠子歌  
翠華親相度

玉趾屢經過屹立金隄固欽承

指授多

彈夷西鄙外所在隔流沙負固由來久懷柔未可加

天心憎稔惡兵法貴攻瑕一遣偏師出降王走傳車

更緣追逸寇勁旅轉天方遂捲驚風蹙還驅入檻羊按  
圖先徇地指敵妙因糧迅速功如此誠哉

廟算長

百年遺寇盡一日大功成況乃收諸國因之下列城宛  
人牽異產回部貢新聲重譯自相語從茲享太平

聖代凌烟閣褒忠竝泐銘于焉崇偉伐所以樹芳型鸞  
鳳欣陪位熊羆儼在廷



清時諸將相長此炳丹青

人不世出

天縱又多能墨灑靈源發毫揮異彩騰龍跳還虎臥霞蔚  
雲蒸往往蒙

恩賜羣工拜手承

載道斯文重陳編足汗牛後來推左史今日數韓歐直  
溯唐虞際須從典誥求

聖人親著作健筆古無儔

舜陞廣颺後誰歟續正音

瑤箋馳域外芳句壓詞林

天筆既奇捷良辰皆雅吟十年三萬首每集可披尋  
校射亦餘事

幾間性偶耽挽弦開霹靂試馬走趨趨仗外環酋長階  
前列了男桓桓多壯士仰羨復生慚

令節開嘉宴隆儀衆所瞻

君師千載合

文武一身兼道與時偕泰籌應歲共添

微臣

忻作頌言

小愧詹詹

天意同人意箕疇紀大凡捧觴齊獻

壽拜表肅聯銜瑞輯金章密圖陳綠字鑱自

天申五福一一驗琅函

恭和

御製大學士劉統勳協辦大學士兆惠等奏報楊橋決

口合龍詩以誌慰原韻

金隄雨塌濁波侵千里中州

睿慮深功戒偷安垂

指示

時有言霜降後始能動工者上以稽緩切諭之

事當經始稟

籌畫從河達海狂瀾挽

初進圖時蒙指畫引河掣歸正溜

殊筆

束水攻

沙古訓謹一閉龍門流總合盡驅蛟穴蹟俱沈相臣銜

命同心濟下走承

恩拜手欽

臣亦得仰邀議敘之旨

牲璧無勞歌瓠子百神早已

默居歆

奉

命經理水利恭和

恩賜詩章元韻

南北地里殊就下水無異倘能去其害已是收其利有  
害而無利是則人所致高高與下下原天然位置以河  
爲轉輸以海爲委積謂海不受水斯言未明試臣也田  
間來奉

命竊私計方今元氣和三時不當沴但有一夫飢

裴文達公詩集

卷之四

六

聖人引爲媿仰維

保赤懷求於民有濟倉粟頒旣頻帑金發無滯保障疇  
宜旌繭絲孰應罪赤縣如星羅次第敷施暨更爲謀一  
勞其庶功爲倍

秘殿召使前

溫語

天顏霽

小臣

何所知

指示蒙

大惠

諭以諸經流要在順其勢九河蹟云邈難昧朝宗義橫

流緣上湮同軌乃下逮行地有常經到海思底績小臣  
拜受辭旁顧絕閒懋司空況

簡命

工部尚書阿桂

商摧協羣議重以守土臣往復口無忮立

朝逢

聖明臨事罔畏避祇慮學淺疎師承復奚自本非作楫  
材徒切望洋企願竭尺寸勤稍佐

平成治感激各思奮何忍甘暴棄比物待

鈞陶如器就埏埴上賡

薰風篇縷縷不盡意

裴文達公詩集卷之四終

裴文達公詩集卷之五

恭和

御製題職貢圖八韻元韻

職貢圖開六合春  
東西南朔服維均  
淘金撈玉方興異  
海誌山經覩記親  
心似露葵知所向  
身隨陽雁遠來賓  
唐虞以上初無紀  
秦漢而還未克臻  
地或不毛咸我土  
類雖非種亦吾人  
寧妨舊俗衣冠陋  
但被淳風面目真  
貳負詎能殊甲子  
支祁早已付庚辰  
丹青冊府垂彪炳  
世世蒙

庶永率循



裴文達公詩集

卷之五

恭和

御製詠周片雲戚元韻

備樂鈐造器於周煥大文舞應廻日月義取合風雲司  
馬垂前法虞書紀舊聞陳階逢

聖代拈韻播清芬

恭和

御製朱碧山銀槎歌元韻

漢書一卷未致詳枉說搜奇探二酉範銀寫此古仙姿  
出自元朝冶工手流傳忽已四百年豈真神物勞護守  
詩人鑿空談張騫附會紛紛如一口支機取石者爲誰

本傳披尋還否否江南竹鑪製竝時伯仲之間成一叟  
共邀

宸翰爲作歌上燭天河臨九有頓使遺物生光輝

鈞陶在握精微剖松風茗事聊試爲從來意不關盃酒

恭和

御製仲春經筵元韻

雪霽寒輕

祕殿春

鴻儀歲舉集朝紳頭銜忝竊聯行舊舌本生疎進講新  
少讀經書聞道淺生逢

堯舜荷

恩頻人言稽古叨榮甚黃卷青鐙憶曩辰

天顏咫尺藹如春悅服羣書弟子紳

論就道垂天共大

詩成義與歲俱新淵微孔思

神明接奧遠義文

指示頻

帝統卽今兼學統見知何以副

昌辰

恭和

御製靜宜園詩元韻

仲春香山靜宜園駐蹕作

春郊清似雨餘天  
畫裏香山到眼前

輦路經行常隔歲  
壁端

題詠當編年連峰疊秀臨三輔  
飛瀑分支匯萬泉勝地自從邀

睿賞林光鳥語總欣然

棲雲樓二首

平鋪練影翦瓊英  
簇作千峰列四楹  
一片波光看不定  
朝嵐暮靄若爲名

天題猶憶到來初  
筆硯常教近綺疏  
今日雲光生紙上  
趑開還是

萬幾餘

來青軒

一幅濃青似畫披  
軒中得句對山時  
化工只在仙毫裏  
草木含情盡得知

海棠院

錦城繁華號香國  
浣花集中無海棠  
紛紛臆說每歧出  
詩人好事持短長  
幽佳院落契

靜賞寄意不在枝頭芳

妙高堂

茲堂一登臨宛憶金山麓勝概助

高吟千言未云足

金山題詠最多

上南巡時維時歡比屋迎

鑒集僧俗至今

和蘇詩萬口爭一讀回首江上臺

題勝泐貞玉

歡喜園

到此真歡喜何從著一言偶然游淨土不必是禪門境  
絕空兼色心澄寂與喧由來大自在梵筴亦奚煩

香巖室

傍樹依巖作步廊未暄天氣亦非涼  
木樨消息叅來妙已覺微通鼻觀香

太虛室

積氣不可狀名之爲太虛萬物處其中  
飛躍皆鳶魚聖人天爲懷大道無汝予  
一室宥天下說在蒙莊書

超然堂

雪鏤一痕穿山堂樹杪懸奇應難比  
似妙不落言詮春作陰晴色窗含朝暮  
烟飄飄發遙想

題額本超然

碧峰館

橫看成嶺側成峰，  
綉景難將筆墨供。  
恍在天台圖裏見，  
石橋南畔幾株松。

曠覽臺放歌

登山必造極，  
瞻言臨高臺。  
鴻濛但一氣，  
惟天爲大哉。  
九點爭欲出，  
萬象不可埋。  
松是徂徠柏，  
新甫山如飛。  
雲溪過雨東，  
山泰岱曠覽同。

聖人作而萬物覩

靜室

斗室窈而深，  
一點塵不到。  
大地皆文章，  
靜者領其妙。  
羣動互爲根，  
天光湛內照。



裴文達公詩集

卷之五

五

宸衷兩得之山林與廊廟嗤彼下士迷輾轉更相笑

竹鑑精舍

精舍筠鑑妥帖施階前日影度遲遲松風設設來清晝  
濺玉跳珠作意爲

第二泉遙了不殊

揮毫那藉孟端樵

南巡猶記畱

珍墨梅韻松粧與寫圖

江南惠山竹鑑山房  
會題有梅韻松粧重清晤之句

御筆

碧雲寺

重開化人域高湖梵王臺往事消璫篋遺踪掃劫灰平

時勞想像昨日得追陪紀勝慚吟苦蒙

恩用韻來

近蒙  
近作進

恩賜游香山諸名勝恭錄  
呈復蒙  
俯賜和韻

洗心亭

翼然亭子浸琉璃綠染春波草色萋耐可會心不在遠  
沉鱗飛鳥任游棲

試泉悅性山房

樹影漾虛簷茶烟裊碧簾陸經隨地譜

孔性在山恬活火微微試新泉續續添此間劇幽興

清暇彩毫拈

晴

最是春初候農功切

聖懷自然情莫解不繫景求佳南朔觀風異暄寒按節  
排雨宜晴亦得擊壤聽天街

夕

山容旣清佳月色逾娟好和風作眾籟不櫛復不窳積  
水儼鋪階流光成曲沼當年承天寺微言入

仙藻東坡與懷民閒人正復少

學古堂

昔人一以往簡冊到於今祭獮豈供眼斲輪惟得心端  
能益神智此不負光陰汲古孳孳意

宸章妙可尋

曉

南榮透旭彩東嶺含曦光穆然四壁靜圖史發古香  
勤政緬無逸兢業追虞唐夜如何鄉晨

御此曉殿涼

省覽遍書疏輪對循典章何以副

宵衣入

見心徬徨

皋塗精舍味桂

玉筆隔前山精舍倚側嶺中有金粟枝叢立春風靜遙

想天香吹秋中露方警茲焉未及時益護置深境耕耘  
雨後繁刈穫晴晝未蒔稻宜下濕蒔麥喜高冷種樹膚  
勿搔栽竹行須整物性各有宜相通可觀省

題李世倬皋塗精舍圖

披將一幀鏡中懸憶擘筠籃潑紫烟對畫看山  
天一笑於今三度閱丁年

綺望亭

望遠宜憑高一亭愜所置迎眸春光來下視得佳致鱗  
比萬瓦烟繡錯千條途練淨遠瀟聞羅膩春疇事

山莊亦名樓

避暑山莊  
有綺望樓一例托

遐思

遲雲館漫題

雲來爲雨去爲晴雲去雲來入望明雲自無心

天有意閒吟

念亦屬春耕

朝陽洞

序豁繡壁開竅窾乳竇轉最先得天光朝旭及腰半石  
磴盤高梯雲窗敞深殿新綠迴樹頭飛翠撲階面地勝  
景益增

筆酣興忘倦矢音咏卷阿應有鳳凰見

卽事

好山到處有將迎  
路轉峰迴取次行  
近侍追隨惟筆硯  
箇中畫意與詩情

天池

不必南溟路阻修  
天池一掬在峰頭  
莊生齊物如相論  
蜩鷃鯢鵬本共游

棲月崖

舉杯可成三印川  
還是一照顏或滿  
梁攬手能入室暮  
從東山上曉向西  
崦失哉生至晦魄  
周天三十日於焉  
識盈虛未可論離  
卽何以崖端棲乃  
自天邊出冰輪與

玉盤取象分具述詞家多寓言綺語非事實

雨香館

林如蘂荷吐奇芬雲似兜羅笑緼縢定有天花飛作雨  
自然香界霑爲薰由來佛說原無說詎是人云聊亦云  
山館本來方丈地  
特拈妙諦示殷勤

山陽一曲精舍

山南最喜值春陽更有清池瀼瀼光臨水看山閒  
得句丁丁清漏晝初長

琢情之閣



天然圖畫裏傑閣倚山爲聽水寒無滓看雲近益奇  
曠懷欣浩蕩

健筆仰紛披此樂符仁智憑高一寄之

懷風樓

八面虛窗百尺階螺峰薺樹足清佳薰風似奏虞廷曲  
解慍先能副

聖懷

對瀑

山月冰簾各有詩東坡太白不同時移來九曲屏風疊  
笑指匡廬儼在斯

玉乳泉三首

絲笳千个影聯猿拂掠春波埽暮烟高戛琅玕低漱玉  
不分風竹與風泉

乳竇涓涓滴作池規容半畝湛清漪出山泉水何曾濁  
寫向平沙百卉滋

水榭憑虛嵌碧阿銀盤俯瞰浸清螺波光山色看無盡  
每向

幾餘入

味多

閱武

詩集卷之五  
如雲屯勁旅高下列星居竝隸臣兼僕相期汝共予犁  
庭勞未泯拔萃語非虛度嶺超飛鳥橫波截巨魚中權  
親泣止兩翼肅禱如待用應無敵桓桓尙勸諸

復陰

雨意忽將淒雲容已復低遙天一角出遠舍幾村迷驅  
犢門前急肩蓑隴上徯

天心眷東作春及好扶犁

超然堂再題

雲外虛堂望欲仙潏然雲意漸油然  
豫遊到處關農事方平看萬頃田

集虛堂

竹柏上虛窗林籬入虛室惟虛道所集無術此其術  
淵衷浩浩天外寧而內謐化工何所爲羣動森然出翹  
首歸太虛萬殊匯爲一

題董邦達畫二首

桃溪春霽

紅雲彷彿武陵溪遠近川原路不迷邂逅春風見圖畫  
偶然

拈出卽成題

松磴晴霞

濃陰覆磴步谿谿知是松間處士家忽訝濤聲天際起  
蒼龍千尺捲朱霞

移松

草木有臭味相扶如友生可親不可狎是惟君子朋貞  
松自落落得地欣有情他年挺高節翠蓋冠峻嶒物穉  
受以養信是

造化能樹木喻樹人間者于焉興

巖柏

昔讀杜甫詩古柏宿鸞鳳如何青銅根迸出綠苔縫擎  
枝異君遷結子殊平仲茂悅松相撐峭蒨竹補空直與

生俱生得無用之用天巧真奇哉石田亦堪種

寶相寺落成瞻禮因用辛巳五臺殊像寺韻二首

寶刹依層岫中臺此詎殊門前接引後座上牟尼珠玉  
色佛光現金身

天筆圖酬將大願力花雨迓春衢

具足相眞寶莊嚴像是殊闡茲清淨界照以光明珠有  
佛皆因果茲山儼畫圖人天齊祝

詩布地作香衢

香林室

依林還作室初地落成初雲葉紛無數天花馥有餘空

廊散薜蘿高座湧  
芙蓉香在非香際  
諸緣示現如

含清堂

幾曲度空林  
蒼苔罽仄逕  
相賞松石間  
衆綠互遮映  
曠如復奧如  
虛堂致幽淨  
梵唱寂忘情  
山光澹娛性  
暫憩卽成

吟泠泠天外聽

題鑑空樓

階下一掬池  
光滄泉上一帶樓  
窗橫水面遊魚知  
最樂  
枝頭好鳥求其朋  
鑑人鑑水具精義

寫心卽境聊攀登  
鑑人者常鑑水偶  
萬象紛呈歸戶牖

方塘活水源本清老樹著花枝不醜鑑處非空亦非有  
淨涼亭

淡如縠紋平澄似葛巾漉有亭妙臨流深碧如可掬境  
淨自生涼兩美合已足居爲池上篇亭以滄浪目  
清吟視蘇白如琴鄙爭筑對景清且漣誦

詩往而復

得一書屋偶會

水流山峙惜天根直向

心源溯道源見說清寧因得一更先一畫是何言

薰卉



遇閨春遲氣尙寒評量花事費勾欄誰知先有春風暖  
未到花時已得看

山鳥

佳句誰教擅五言

王籍詩鳥鳴山更幽

山幽更藉鳥聲喧衆音况

是臻繁會泉韻松濤幾部翻

泉上

作室十弓足規池半畝寬

重來值清暇欲去更

臨觀卷帙增新得軒窗餘薄寒明晨聞返

蹕

躬詣問

慈安

題張宗蒼畫

邱壑安閒意思恬苦清石瘦遠峰尖端宜真境對真畫  
神采何曾著墨黏

臣以翰班奏事從

香山下直得至碧雲寺有記遊一首蒙

恩詢及謹於

御製靜宜園近作詩冊之末附錄進

呈仰荷

裴文達公詩集卷之五

天題俯

賜用韻格高氣老走筆立成且

命臣竝和全冊時以

巡幸天津

鑾輿將啓行因有屈指三朝促成佳話之句臣被

命悚惕莫能仰副於途

駕後執管啞嚶凡十餘晝夜方脫稿繕錄成帙仍以

御製碧雲寺詩冠其首自惟叨侍

禁廷儼依

函丈幸得

聖人而師之亦用以抒其心悅誠服之懷也乾隆丁亥  
季春月稽首拜手敬跋并書

恭和

御製題陳容九龍圖元韻

絕技居然海上翁真疑呼吸與天通  
盪胸雲欲千層起到眼塵先一洗空  
鱗鬣有無看不定之而隱見寫尤工  
淋漓墨瀋知多少灑作甘霖四野中

恭和

御製題金廷標仿陳容九龍圖卽用題陳畫韻元韻

鉅手誰教繼所翁從來雲物具神通  
揮毫早覺光騰壁

裴文達公詩集

卷之五

七

展卷旋驚浪拍空寶笈流傳珍舊蹟  
林臺寫付良工  
屈伸自得春雷奮意在經營  
惓淡中

恭和

御製十二月十一日喜雪元韻

前度祥覩一尺嘉又看玉宇布銀沙  
潤添硯沼騰爲彩  
喜入

詩牋燦作花萬頃堆來分突兀  
千林埽後見橫斜  
陽春有句高難和握管如薑手斂芽

裴文達公詩集卷之五終

裴文達公詩集卷之六

戊子春帖子

萱闡增

鶴算

蘭妃發孫枝更衍無疆慶

生春甘首詩

彩煥園橋光璧府雲開

正殿麗薇垣梯航輻輳

皇都壯萬國來瞻氣象尊

民租遞免輸倉粟物價全平列肆錢迎臘早占盈尺瑞

先春又報屢豐年

恭和

御製元旦試筆元韻

南朔東西驗大同

帝京景色雪初融

鴻篇冠歲開人紀羽捷馳雲奏

法宮爆竹聲中來喜報

御製元旦詩有萬家爆竹聲鳴喜聽共南征捷報來之句

次日捷奏果至

生春句裏燦

天工從茲異域炎蒸地宿瘴潛收日影隴

涔滴安能外大瀛西師前事聽分明獸羣已潰應難聚  
逆燄全消不再萌破砦雷轟銅礮震奪橋雲擁鐵衣晶  
三軍用

命膚功奏春滿寰區喜氣盈

乾隆三十二年戊子正月朔維時祥占舊臘積素  
徵豐暖入新年始和協吉我

皇上迎禧迓福驗雨暘寒燠之均調試筆成篇觀日月

星雲之煥麗

次日邊奏恰至則將軍公明瑞征緬  
攻堅奪險屢戰皆捷破賊砦十六座

近偏其城此間  
韶第一喜音也撫元辰而有作頌

慈壽之無疆上茂



天庥下勤民事以春風之入律爲

皇極之敷言揚詡太和導迎善氣春色與威稜共遠捷

音隨令節偕來

臣侍直

內廷得以仰讀

雲章又復與聞露布誠歡誠忭不能自己於言敬錄

御製於簡端爰附以恭和之什旣增鳧藻用致葵傾竊

自幸其遭逢且與天下億萬臣民同茲欣慶

臣裴

日修拜手稽首敬跋

恭和

御製重華宮集廷臣及內廷翰林等三清恭聯句復得

詩二首元韻

暖律先於綺節廻

生春句裏萬花開聯吟又見

飛箋下

曲宴還教珥筆陪近傍春臺欣小草榮依仙侶愧凡才  
祥雲瑞葉猶交映何處能容一點埃

佳話曾傳竹裏烹天漿較似石泉清偕來素友三英泛  
點入芳甌百和成北苑徵詞標剗獲南榮向旭得新晴  
聯翩

錫賚年年荷敢說詩呈例有旌

恭和

御製題金廷標倣女史陳書畫冊疊題陳畫韻元韻  
翠篠娟娟如韻士虬柯落落類高人披圖一再邀  
天賞方識文章信有神

右古木修篁

澹泊山家具一爿尋常風味付籬根萬錢下箸曾何謂  
此意還堪示子孫

右蘿蔔霜菰

爲憶幽窗寫竹枝簾前春色豔遲遲錢家粉本新摹得  
樂意生香儼在斯

右仙果珍禽

食蕉曾聞徹尾甘微酸小澁此中叅拈來忽憶前年事

嘉實終輸異品三

謂回部三果

右雜果

楊梅桃

枇杷

令息處影娑娑自是昇平樂育多桴鼓無驚村巷靜  
閑樂不睡待如何

右睡犬

蝶衣花態翦裁奇搖漾晴空百尺絲開到此花春滿眼  
池塘又喜綠陰時

右蝴蝶鳳仙牡丹

嶙峋磊砢對森森石自無言柏有心  
遂與後凋同不朽  
天毫爲爾發長吟

右怪石古柏

掠荇輕飈拂藻蝦春波漾漾細浮花  
等閒寫出江南景  
蟹舍漁村閱歲華

右春溪水族

孤山幾樹不嫌孤有客吟成字比珠  
堪與梅花配高極  
天題獨許一林逋

右梅溪

織翠編瓊細作裝提攜秋色有新芳  
故家長守青箱業

冊府從畱翰墨香

右花籃

恭和

御製春仲經筵元韻

文華春殿集羣工洞達門開旭彩紅

天語敬聆增悅服

御階肅拜仰

崇隆叨榮屢預颺言列稽古慚無力學功一貫義昭幾  
有萬淵源千載

聖心同

恭和

御製二月初八日雪元韻

萬里來看喜氣彌春郊羽騎漾鞭絲曙光恰送

璿墀麗農事頻占繡壤滋南徼風傳三捷至東華雲集

一函披

是日奏摺宣示王公大臣

自維駑質慚芻秣仰羨驂

駟躡景馳

恭和

御製耕藉禾詞元韻

前年三白早如期春雪含滋雨不遲階下老農占歲稔

親耕又覩

聖人儀

邊瘴未消方待埽遺蝗已絕久無萌

十行裁罷

鑾輿出

聖念惟籌戰與耕

連歲倉箱慶萬千所欣民俗有歌絃  
丁寧父老無他語  
孝弟還須首力田

城南草色綠猶輕

壇側羣瞻

御輦行祭畢



先農

躬執耒耜風圖裏樂聲鳴

恭和

御製喜晴元韻

課雨占晴夜暨晨

睿情常與歲時新每先東作西成候爲計披蓑荷笠人  
旣飽甘霖愁已伏剛逢快霽喜相因此

心更比民心切讀罷

宸章感倍眞

躬禱

靈潭朔鄉晨

初一日

龍潭

上

良苗應節意懷新黃圖捷

報更番雨

白

初二日

甘霖

大沛畿輔各

紫陌歡騰億兆

人又是一年逢大稔

自乾隆癸未至昨歲收成皆八分以上

於茲六載數

前因

今茲農家語謂較上年尤勝

天顏有喜從何見細較陰晴紀事真

上每歲晴雨皆有詩可按日而

記也

恭讀

御製土爾扈特歸順記書後

國家中外大一統曩惟西事煩經營

兩朝撻伐未竟緒

裴文達公詩集

卷之六

七

皇帝睿斷功乃成臣嘗伏讀

開或論牢籠萬變提

權衡勝算在握要領得如雷斯厲風斯行乘機迅埽到  
回鵬陽關以外無堅城再讀

御製歸順記土爾扈特人投誠前茲準夷梗化久四衛  
拉特相支撐我師當時定全部獨此早竄偷其生未曾  
遣使遠招致亦不索取勞甲兵幡然挈屬奉表至彼益  
迭聽心先傾轡從地底見紅日有不仰企非人情試看  
稽首列萬帳盡隸臣僕歸

大清西陲全部此始結更無別種防芽萌上承

付託述

遺志下憫蒼赤垂休聲倘非幾先具

定識安得臨事不震驚

大文紬繹再三四眼中事理昭然明信哉

至德感必應昔者敵壘今編氓提攜襁褓及婦子不似  
昨日飢寒并脫離羅刹入樂土自此畜牧芸昇平渥巴  
錫汗知向背鶯遷出谷茲爲榮馬前纍纍復若若乍習  
拜舞依

龍旌

山莊宴賚

盛典屢丹青落筆騰光晶

鴻勳偉烈古未有照耀天地環九瀛豈知

聖意益深遠凜凜

泰運猶持盈

恭和

御製盤山雪景十詠元韻

雪峰

二月寒多未覺晴千山雪掩一螺存尋常行處無斯景  
特舞天花獻

至尊

雪嶺

高下陂陀玉有稜

龍旌徐度瑞光凝何當扈

蹕天成寺石磴凌兢騎可乘

雪瀑

李白匡廬看瀑布飛流未許寫來真盤山一雪增奇景  
空際何由著點塵

雪溪

泉聲都自峽中過山上寒流下注多今日雪溪  
題句處田疇可作感云何

雪松

蒼松矗立繞山椒  
風暫停時雪未消  
恍似清都遊戲處  
萬仙來此踏瓊瑤

雪杏

到眼琪花漸欲融  
枝頭的的倚廻風  
看花勝似花時節  
青未全歸已透紅

雪寺

遠韻何來寺裏鐘  
寒光滃鬱白雲封  
道人心在水精域  
色相空時早透宗

雪村

薄薄田家有蓋藏重重

恩詔遍膳黃雪天不借東鄰米春得高粱潔似霜

雪閣

鱗鱗窗眼紙新糊不用氈氍毹地錦鋪此際憑闌天更遠  
萬家烟火俯黃圖

雪亭

一笠高撐面面宜陸離銀海畫圖披自經  
天筆親題品造化同功信若斯

恭和

御製延春堂對雪元韻



田盤是處堪入詩況與山靈原有素年年花月春復秋  
幾句

巡行時一赴今朝奇景倏當前何必青紅迎

輦路初覺霏霏微雨零旋看奕奕濃陰護霄漢鋪銀瀑  
瀉珠階非截肪堂堆璐

天臺發興非尋常乾端坤倪劃呈露名山面目遽改觀  
豈果真吾有新故山中卽景拈作題

詩成實與題無負明晨日出天宇晴仍屏輕寒轉深煦  
麥隴得潤青芄芃大田待插何嘗誤小臣仰抑強韻難

藉口河隄方作務

乾隆壬辰二月

上幸盤山

翠華往返纔十日

得詩百有餘首雪景十咏其一也

天上陽春非下里巴人所能仰和臣閱河之暇殫慮竭

思握管慚汗僅成十截句并屬繪事者作圖卽用

御製延春堂元韻敬題幅末

癸巳春帖子

八風宣

雅什四序叶

鴻鈞

御製四生詩八十首

奏凱紅旗燦迎

禧綵勝新

河流處處慶安瀾大有同登億兆歡

畿甸小民齊踴躍田間計日待迎

鑾

日邊佇見斗杓迴雪霽關山淑景催小草向

陽欣就暖恰隨韶令自東來

臣時奉歸自

盛京使

恭和

御製上元後一日曲宴廷臣元韻

新正

燕賜疊相仍樂奏階前稽拜登螭戴海山花作界雪晴  
宮樹玉生稜座聯元愷誠畱忝履接夔龍敢自矜令節  
躋堂春日酒良辰昨夕上元燈雲纔向暖烘成錦冰未  
全融滑比綾淡蕩韶光欣可賞昇平  
盛典久堪徵霑榮有幸

天恩洽紀事無虛

御製憑從此年年長獻

壽

壽增萬歲歲頻增

敬題

張文達公詩集卷之六

七

御畫山水用蘇軾烟江疊嶂圖韻

出塵墨韻點秋色盤空筆陣騰朝烟眞宰流露偶得此  
人間摹寫安能然下有千章之古木中藏百尺之飛泉  
知於胷次具邱壑乃從象外羅山川

深宮正值清宴日遐心直溯羲皇前欲籠萬態到指掌  
恍披一畫開人天坡陀蕭蕭靜且逸莎草的的清而妍  
溪東西饒浣花宅垞南北有種秫田平林流蔭可滌俗  
靈苗茁土堪延年穿雲或許樵子入枕石未礙山人眠  
寰中自是足奇境世上豈必無眞仙敬瞻

寶繪已飛越思脫凡骨何因緣如游清都眺元圃

臣歌

澀縮難成篇

奉

勅恭題

御筆臨楊補之梅花

但宜鄧尉高人屐或在西泠處士村誰道瑣窗緜几畔  
一枝曾許託孤根

謠說述禪老擅場疎疎寒蕊漏春光重經

之藻開生面始信人間第一香

奉

就分咏鏤象十二月景得十月

畫裏驚看刻畫真過秋更作小陽春未成釀雪凍仍淺  
乍可經霜晴正新柿蒂紅垂千顆豔橘包黃綻一林勻  
重簾不捲攬瓊暖何處輕寒許著身

奉

勅題江村草堂圖

應是白蘋洲上居然黃葉村邊鹿門有客招隱蓮社無  
心結綠乍可浮家泛宅兼之鋤雨耕烟臣亦江湖舊隱  
畫圖重與周旋

奉

勅題蘭花

乍含清露乍披風  
整整斜斜寫未工  
春色一闌纔到眼  
故人千里許分叢  
香生空谷迢迢發  
夢轉寒江黯黯通  
自信素心堪折贈  
不須評入楚騷中

題玉鏤鴛鴦屏應

制

葉葉自相當  
珍屏儼作行  
雙雙臨北渚  
兩兩渡南塘  
淡蕩同心侶  
氤氲一水香  
燕謀同表瑞  
視此玉鴛鴦

奉

勅題漢未央宮東閣瓦硯

阿房火後未央出  
高拂星辰薄雲日  
轉眼銅駝臥荊棘



瓦聲墮地秋蕭瑟雨蝕沙埋光彩溢題字摩挲未全失  
緊誰規作文房物觀乎人文占象吉招邀龍賓走不律  
襲以緹紉副芸帙用佐休明彰黼黻

奉

勅題漢銅雀瓦硯

鄴都漳水流涓涓高臺遺蹟埋荒烟行人拾得臺上磚  
旣磨旣冶煩磨鐫中央彷彿月未圓凹之如沼還如田  
絳人管子來因緣爰登笏席陳琬筵其陰題識尚宛然  
製自建安十五年上鑲寶貨之古泉下刻呦鹿伏且眠  
布痕猶皺膚理堅土花千載受氣全墨池雲湧風仙仙

至今一瓦仍流傳舊時銅雀知誰邊

恭和

御製賦得春水船如天上坐元韻

水長春江人不知登天有路訝憑誰吹噓穩藉和風送  
容裔偏于畫舫宜雲際樹陰低更合日邊帆影下還遲  
雙橋曉度虹初斷一櫂晴開霧乍披語憶瞿塘浮竿地  
身驚銀漢泛查時但聞烟艣從空響已覺仙舟取次移  
此日

六飛開倍適當年五老近堪期

宸遊自作平河咏待播儒林共和之

因病奏懇解任未蒙

恩准竝

賜詩示慰病勢沈綿未能依韻恭和謹成一律感

恩鳴謝恭呈

御覽

一病俄經兩月延頻蒙

天語問拳拳

前日侍衛存問遣御尚醫已

勅良方授

堂官診視派大醫院場吏還叨驛使宣長蘆有監大使善醫

馳驛來京

特令倚枕差教神好在廢餐真愧腹枵然何當

苑樹棲仍舊長得雷濡

雨露邊

新染雲藍燦彩牋

御園頒到

墨華鮮

宸章讀罷情難已

興數叨來涕欲漣素志未期林下樂微生深荷

聖人憐從茲歲月均

恩賜許假餘齡媿老錢

裴文達公詩集卷之六終